

06 FEB 2002

AGONG UTUS UCAPAN TAHNIAH KEPADA GABENOR JENERAL GRENADA

KUALA LUMPUR, 6 Feb (Bernama) -- Yang di-Pertuan Agong Tuanku Syed Sirajuddin Putra Jamalullail mengutuskan ucapan tahniah kepada Gabenor Jeneral Daniel C. Williams sempena ulangtahun kemerdekaan ke-28 Grenada.

"Beta dan Raja Permaisuri Agong (Tuanku Fauziah Tengku Abdul Rashid) ingin mengucapkan tahniah kepada Yang Teramat Mulia dan rakyat Grenada sempena ulangtahun kemerdekaan ke-28 Grenada," titah Seri Paduka dalam perutusan tahniah itu yang dikeluarkan di sini.

Perdana Menteri Datuk Seri Dr Mahathir Mohamad, dalam perutusannya kepada Dr Keith Claudius Mitchell, Perdana Menteri dan Menteri Keselamatan dan Maklumat Negara Grenada berkata Malaysia berharap negara Caribbean itu akan mencapai keamanan dan kemakmuran pada tahun-tahun akan datang.

Menteri Luar Datuk Seri Syed Hamid Albar juga mengutuskan perutusan serupa kepada rakan sejawatannya Elvin Nimrod.

"Saya berharap dapat menjalinkan kerjasama lebih rapat dengan anda untuk meningkatkan lagi hubungan mesra sedia ada antara kedua-dua negara," katanya.

-- BERNAMA

MAM MAM NAK